

晚晴移詩匯

晚晴移詩匯卷五十八目錄

張照 十六首

蔡世遠 一首

李紱 二首

黎志遠 二首

徐用錫 一首

陶成 一首

黃越 一首

賽爾登 三首

馬光裕 一首

岳禮 十首

田榕 十四首

查爲仁 六首

原勳 一首

李子望 十七首

楊維元 一首

郭遠 二首

王世琛 五首

沈樹本 一首

徐葆光 四首

胡煦 三首

王圖炳 三首

徐杞 一首

程夢星

五首

秦休

一首

鄭之僑

一首

杜詔

六首

胡安

一首

林佶

二首

陳惠榮

八首

李慎修

一首

謝濟世

五首

王箴興

七首

王瀛

一首

王鈞

三首

朱倫瀚

十一首

晚晴移詩匯卷五十八

徐世昌

張照字得天婁縣人康熙己丑進士改庶吉士授檢討

官至刑部尚書加太子太保吏部尚書諡文敏

沈歸愚曰文敏性高朗通釋氏

教所作詩左磁右觸皆禪語也

詩話文敏交於桐城與西林異趨苗疆之役純皇

終始保全後十四年以獄中應田寓查取所遺筆

意諭旨又命蔣文恪向其子張應田寓查取所遺筆

札諭旨有未經朕覽刊入集中語意田寓查取所遺筆

燬於是時追御製懷舊詩列於五詞臣纂辦一統志

時有張照雖不得謂醇儒而其資學明敏書法精工

實爲海內所共推重瑕瑜不掩公論自敏書法精工

江府志藝文得天居士集無卷數注云其志作古香

亭集天瓶齋詩鈔似亦未見本書乾隆二十二年敕

編天瓶齋法帖十卷勒石內府女夫孔繼棘刻玉虹

樓藏海仙班諸帖寫梅蘭作大士象世以徑南南華

並稱天資起絕年皆止五十餘多應奉之作故真蹟

尤罕

傳也

壽雲上人七十

雲松老畫師現身爲德士蘭松怪石竹小小六通戲京師
大隱區丈室蒲團地江山百代秀盡落師圈襪筆尖一指
出咫尺萬里勢身輕臘逾高雀喜瓶閒寄相忘居井蛇那
有上天刺於今七十年應身常如意知無性七十但有門
不二我家宦京國識師已三世師來道故舊多余不知事
笑指長鬚奴見其雙丫髻一歎歲月深廿年屈伸臂後佛
十二日早余廿三歲高坐天花來面目難爲祕人天與佛
祖一樣毫端繪在天爲虛空在地爲物類當其下筆時何
者可思議未妨再七十珍重眉毛翠

奉敕題畫菊

花品疇同古逸民此花有骨不開春空山之中八九月千

載而上兩三人行傍巖崖思采采如聞潭水尙粼粼潔茲
筐筥齋心訪日月精英冀得真

觀海

境界真無兩聊爲物外觀乾坤浮一氣今古浸雙丸野鳥
飛難過眞仙望亦寒人間白少傅高詠海漫漫

夢

故故新新暮更朝是因是想任參寥乍離還道明明在欲
說翻成慚慚消佳處何妨留一世昔人難得話連宵九天
十地皆如此君僕猶當爝火嘲

論董書絕句

繭紙昭陵閱古香一端雲錦屬香光曾經八景輿前拜親
見天衣下鳳凰

始信神仙自有真珊瑚骨節玉精神不教三斗塵銷盡碧落甯容著此身

消殘智勝如來墨寶札香光永不渝莫怪三千人拂席只緣未覩髻中珠

冢中禿管已盈千畫被栽蕉廿七年到此依然書不進始知王質少仙緣

衣帶過江宣示表漆鐙夜照屬王修今宵偶記遺他日可得千年伴我不

妍花在鏡香無著俊鶻千霄力透空未到此中真實位爭知施女有西東

湧出華嚴自在雲秀華葉葉漾秋旻了知不作煙豪相入法如來屬此君

題蔣南沙畫雜花詩

百花各有時遲早不相買代謝鱗次之適性隨所受胡不
並敷榮一侈富媪富大化本無心在物理則罔睠茲弱植
蔓月月一披秀初生益部中謂無霜雪茂移根植他方開
花宛如舊乃知小草心能與四時副才全古所難撚花無
言艷月季花

岸上鯉魚風芙蓉別秋水滿江雨腳來波面蜻蜓起揖雨
還拜風蓼花紅邐邐莫訝愛江湖前身是魚子紅蓼

汀洲秋易深木葉蕭蕭下彈琴送湘君風車催雨馬遺珠
墮翠翹滿岸丁星者露乾翠已消閑客凌晨寫馬蘭

塞山暑雨過爛斑滿翠錦花葉良似菊色香乃稍寢落英
未可餐流泉未足飲經霜益燦然儻與菊同稟善善及其

類忍使淪寒品收之芳草譜姱修可懃恁

藍菊

籬落有牽牛花如碧玉簪秋雨一霽霽延蔓隨低陰甫開
卽擎斂不耐烈日臨上有蟪蛄鳴下爲蕭菌林對之懷履
霜彈我蟬陽琴大易繫莧陸繪圖意良深

牽牛花

蔡世遠字聞之號梁村漳浦人康熙己丑進士改庶吉
士授編修官至禮部侍郎贈尙書諡文勤有二希堂

集

詩話文勤學宗程朱深醇平實好誘掖後進使趨於
正軌所著講義學約切近懇篤恆作家人父子語以
伏鄭之儒宗啟韋平之門
業通經食報於斯爲盛

蕨寄藍玉霖

結宇南山下蕨生不費錢脆當春菜美青入野盤鮮小雨
遲舒葉東風欲放拳莫云滋味薄一熟動經年

李紱字巨來號穆堂臨川人康熙己丑進士歷官內閣

學士有穆堂類稿續稿別稿

詩話穆堂記誦淵瞻舉朝推服氣節錚錚尤爲一代有數人物詩非其專長間有獨到處

讀危太樸雲林集

唐宋爲古文大家纔七人南渡遂萎薈得貌遺厥神有元
運隆盛大文興崇仁吳虞啟先鞭斯文絕復新後勁得雲
林如國風有幽宋王拜下風國史功不湮偶然履橐橐上
嫌稱老臣御史乃希旨元故臣宜擯和州看余廟於事猶
輕塵論者不復察集矢何斷斷豈知公出處大節光霄旻
言事旣激烈邪閉善則陳倉卒起田間辭祿已五春投井
義不屈存史情亦真興朝訪故老四國響然臻聊因國史
出夙志將一伸區區圭組榮浮雲謝天民青田亦仕元佐

命持衡鈞松雪亦承旨實宋天潢親不知持論者比此何等倫掩卷三歎息流俗多頑嚚

新城邸舍和壁間感柳韻

十年依約玉堂春宮柳和煙不惹塵今日飄零向歧路靈和殿裏更何人

黎志遠字甯先長汀人康熙己丑進士歷官順天府尹禮執客鄂城用和巨來韻見貽事牽未報漢陽舟次次韻寄答

離羣劇調飢晤言暫濡沫方快鄂城游倏有瀟湘別論文期摘瑕求友惟攻闕古風不可同時頗笑迂闊長江撼坤浮艤窗做天豁晚月升虛無夕霞爛披列低昂漁子舟參差波人筏願我自夷猶嘯歌爲誰發征夫出王城九玩團

團月人事俄是非宦途遠得失夙懷經世心誰可違前轍
飛鴻向長沙沙渚何當歇吾愛武昌山遲君理布襪載收
玉與珉慧珠照澄澈

泊陳家灣觀山石奇秀遲客舟同登不至日暝獨游
未窮其勝

殷殷紅樹村漫漫白沙堰深叢切秋禽修竹翳長坂奇境
在幽遐神工啟闢礎泛豔鯨波搖跳躍龍游宛玲瓏變繩
墨疊皺若違反蘭舟不卽來臨淵奚繾綣薄暮遲客心蓬
窗歸息偃侵宵杖策行焉得窮其閭雲寒月色深漁靜江
光遠嗟予事行役徒爾登眺晚

徐用錫字壇長宿遷人康熙己丑進士改庶吉士授編
修歷官侍講有圭美堂集

詩話壇長鄉舉出姜西溟之門又與何義門同爲李文貞客精筆書法著字學劄記評隲古人頗多心得輓義門詩有云楮墨鑑古刻滅燭能辨臭偶逢龍浪雪終得芳潤漱兩人書派頗相近也

關峽早行

柝響知關峽東方尙未明
蛇紆危壁路雷走大河聲
星落寒鐙見沙崩疲馬驚
一夫須設險塞下尙連營

陶成字企大號存軒南城人康熙己丑進士改庶吉士授檢討

游靈谷山

心曠能教勝境開
亭亭天半倚樓臺
每憐幽草人間少
慣逐閒雲谷口來
康樂鑿山難免癖
子期釣水豈無才
斷碑讀罷添詩思
漫潑仙泉洗俗埃

黃越字際飛號退谷上元人康熙己丑進士改庶吉士

授檢討有退谷集

讀留侯鄴侯傳

漢唐有國士遇主亦何奇深謀在密勿外廷那得知繫惟
張留侯楚漢視安危韓彭方苦戰狀貌自委蛇技經肯綮
閒披豁定危疑更下商山皓不茹商山芝所關良大計智
勇安足爲鄴侯故隱淪蹤跡若相追藩鎮方跋扈未親提
一師白衣侍黃衣從容帷幄時僭亂以次平發縱者爲誰
君臣方燕笑徘徊若有思乘間進微言遂乃定丕基此事
故不小人亦無從窺嗟此二侯者鴻名宇宙垂一從赤松
游一願返西陲功成拂衣去千載共心期

賽爾登字紫峯滿洲旗人康熙辛卯舉人由光祿寺丞
歷官侍講學士降工部郎中有緣雲堂集

游煙霞窟退翁亭

入徑凝眸望清流，繞樹飛草深遮馬。足花老撲人衣，鶯囀
塵心淨。亭幽俗客稀，退翁如可作同採碧山薇。

幽壑

幽壑無人迹，危巒有石臺。峯環疑路轉，雲破想天開。急隼
搏風起，驚麕見客迴。臨流時一嘯，山鬼莫相猜。

十三日薊州早發

邊城曉色耐人看，六月嵐光著體寒。舞鶴樓中好風景，十
年前此駐征鞍。

馮光裕字叔益，號損庵，代州人。康熙辛卯舉人，官至湖
南巡撫，有柴門老樹村棗。

題李氏雙節卷

管涔高截業淑氣何婉孌鬱積旣云久篤生閨中賢李氏
有二母中道失所天一母誕兩雛一母影獨憐文葆母互
負厠膺母共湔及長戲母側不知所出焉午夜課兒讀刀
尺音琅然皎皎雙瓊枝焜燿二母前菁莪化雨洽循卓蜚
聲宣文孫復競奮鶚薦秋風便偉哉二母節堂構豈不延
龍縑賁幽壤豐碑表新阡以茲酌母德詎足垂千年姓氏
列貞珉聲詩形管絃庶幾畀高風永峙管涔巔愧非劉更
生列女將誰傳

岳禮字蕉園滿洲旗人康熙辛卯舉人歷官陝西漢興
道有蘭雪堂詩集

不寐

不寐愁兼病夜長如小年雨聲寒到枕鄉思亂如煙孤影

河西地三秋塞上天自知心力改惆悵舊青氈

病起

天涯花欲暮病起小堂清地遠秋先至山多雨易成青楓
閒釣舸白髮又邊城門外河湟水東流日夜聲

心紅峽口號

鳳嶺纔過一半程籃輿載滿白雲輕荆關妙筆都看盡不
及心紅峽裏行

秋日招曹廣文最未至

魏武家聲縹緲才一江秋水思悠哉桂香酒熟雁初去黃
葉斜陽人未來蜀嶺晴霞飛漢沔梁州古月滿樓臺與君
十日期酣飲莫誤登高泛菊杯

古意

紅粉蛾眉號善才
未央宮宴百花開
琵琶弟子皆承寵
月落香銷獨自回
牆內李花門內桃
春風吹動競妖嬈
誰知月下江妃樹
別殿無人慰寂寥

魏子峽

兩山疊青蓮
一水折碧玉
落日西風寒
猿聲墮高木

望江南詞

玉簫婉轉黃鸝鳴
海棠枝顫垂絲輕
龍腦調水染退紅
煙羅霧縠親裁縫
大江南岸闔閭城
微風吹過香氣濃
青鳥去時春在柳
奄忽榴花勸蒲酒
橫塘底事夢紛紛
桂槳蘭舟得渡否
舉首望雲雲茫茫
江南萬里心徬徨

送客歸太原

當日故人盡君來今又歸燕門一杯酒晉國幾斜暉馬上
吟黃葉溪前掩竹扉拋書東望道皓首釣魚磯

道過洋縣宿開明寺感懷

太守風流不可尋篋簞谷口碧煙沈白雲秋水山城晚落
葉殘陽古寺深瀟灑已無千畝竹清貧猶憶昔人吟熒熒
鐙火僧房榻獨對文殊此夜心

田榕字端雲號南村玉屏人康熙辛卯舉人官內閣中
書改安陸知縣有碧山堂集

陳松山日吟中詩人漁璜而後端雲南垞差堪步武
端雲趨鰲魚洋爲注精華錄南垞贈詩云一卷精華
王孟兼每從法界想華嚴功臣何處求毛鄭獨有平
溪田孝廉所注惜未傳詩名藉甚爲錢簿石吳白華
張匠門
所稱

雲安坡

拔地起層巒黏天聳疊嶂路從迢遞來山復迴環向跋馬
一再登舉手雲霄抗飛雨灑其下高鳥不在上屹然五嶽
中勢欲爭雄長雲氣倏往來八荒通一望部落雜諸羅一
氣空亭障滇黔楚蜀粵於此扼其吭我生如醯雞閉置在
瓮盎及茲縱跬步始覺天宇曠若士與雲將雲中儻相訪
高歌升天行驟然一神王

日鑄茶歌呈楊大尹芄若

越中茶品尙日鑄稽山採摘穀雨前土人揉焙出新意噴
薄蘭雪塵埃蠲品題不負六一語詩句亦入龜堂傳封題
白泥印赤印包裹青箬馳江船風爐石銚趣煎瀹口未得
到心先憐鼓浪圓或疑蟹眼翻匙大可如榆錢薑鹽未敢
加瑣屑庖湍況不鄰腥羶色香兼勝味亦絕如漿比擬嗟

何偏定州花磁琢紅玉一啜意氣凌飛仙垂楊踈地綠於
柴桃花照眼紅欲然憑君莫謾殺風景更持清醕開瓊筵
黃魯直論茶
日鑄如勢

老鴉關

匹馬重嘶尾灑驛漏天不漏見初日袂衣當暑晝生寒楫
柑爐頭不敢出棧道凌空石磴懸畫圖到處有攀緣老鴉
關上鴉飛絕兩角孤雲一握天

蕉溪雨泊

楚江逆溯盡進艇鐵溪東不斷迎梅雨還飄罨岸風山連
雞塞險灘入虎牙雄百里鄉關路依依歎轉蓬

送蔣繡谷由餘慶之朔州

十載南荒吏詩歌興未衰釣藤酣野釀樂府唱新詞
犵鳥

翻山鷓鴣花綴刺
黎播州居亦得劉柳不曾知
夜郎五尺道雲樹渺相望
關塞九邊險風煙萬里長
晉祠遙駐馬陰館早飛霜
憑仗南來雁殷勤慰斷腸

乙卯苗變紀事

疆理仍戎索招搖自漢旌
如何妖氣熾又見陣雲橫
殃女雄徵側精夫詡單程
不知夜郎道已用伏波兵

琴溪

隱雨巖初霽琴溪渡幾深
仙人何處所遺蹟此招尋
明月有來去白雲無古今
殷勤探洞口沆瀣與誰斟

丁未京邸感念舊游有作

廿載京華聚會身蒼茫影事記前塵
青苔滿榻無今雨明月窺筵似故人
醉舞驚花憐上日徘徊風露感蕭辰
重來

尺五城南地紅藥依然作好春

望青草湖弔郭仲炳

昆池舊擅湖山勝舟屋濱湖復倚山不見林逋飛鶴出空
思魏野跨驢還平居同調人蕪沒黔國憐才事等閒傳得
高曉絕唱在近華深處幾閒顏仲炳居青草湖白號舟屋
炳齊名黔國沐公嘗屏騶從訪仲
炳稱方外交近華浦名在青草湖

渡瀾滄江

長虹一跨並槎浮博望眞誇萬里游要隘地矜三齒險承
平人散八關愁江於上下疑無底天到西南欲盡頭黑水
窮源何處是哀牢郡縣古梁州

高郵晚興

稻涼吠蛤柳嘶蟬最是江淮八月天三十六湖吟未盡西

風吹上打魚船

漫興

平生自負扶犁手欲學躬耕耦犴丁點檢鋤耒猶未辦雨窗先課相牛經

新正雪行宛陵道中

山轉勞勞且莫論雙羊風雪正銷魂一杯小貰茅柴酒身在梅花溪上邨

宛陵有大小勞山梅聖俞詩雙羊風雪裏梅花溪上邨

查爲仁字心穀一名成甦號蓮坡宛平人康熙辛卯舉人有蔗塘未定稟

和杜鵑老人寒食後重過花影庵韻

飄然柳栗橫肩去夢入邪溪舊來處一笠應辭燕市塵孤篷好聽江南雨怕悵龐眉問信稀樵風涇口鶴重歸幾時

也泛山陰櫂乞取天花慘衲衣

草橋道中

草橋南去是吾家十里青青官柳斜
舊曲何人歌驟雨荒亭無地問匏瓜
聽來野樹多嘒鳩望裏居民半藝花
笑我淹留似胡賈每逢佳處卽停車

大悲院題壁

秋氣先林薄郊行得自娛
官河斜抱寺野舍近通衢
粥鼓迎人出畦蔬當砌敷
到來塵慮滌留客有僧雛
睠此東林社來尋惠遠師
坐深涼意滿吟苦樹陰移
白鳥衝殘照青蘆響暮颺
一層樓上望浩蕩自伸眉

送宋廷俞還長洲

昔我夢江南如坵思櫛沐
幽懷縈千縷勝覽覲一蹴
沿緣

涉吳會懽喜到童僕天霽朗以澂河轉繚而曲依依接林
塘厯厯愜心目言尋鶴澗流遂憩虎阜麓逮水畛平疇長
松蔭低屋丹楓敲岸明黃菊繞籬簇登寺日未斜陟山風
頗肅遙堞蜿蜒盤旁塔吸業矗側睇雲吸鴻俯瞰坂驅犢
林影散參差盤石互磅礴紺殿翳龕燈香廚具茗粥坐深
鐘梵沈吟餘木葉禿積願起夙疴清游屏繁縟送君感前
塵蠟屐定當續

病起郊游用東坡安國寺尋春韻

一月不出愁東風金卮翠杓無人同鬢絲禪榻成獨卧水
邊孤負天桃紅今晨一笑上藍輦出郭前導雙鳬翁清明
寒食次第逼春聲吹入飭簫中畫船尾尾移隄外中有吳
兒歌小海儂亦心如木石枯不用傾城貽雜佩錦瑟年華

劇可憐掉頭吹落沈郎錢花前且爲留旬日莫待花殘憶
花發

原勳林縣人康熙辛卯舉人

淨居院秋夜

晚寺鐘聲罷輕風送塔鈴月庭霜樹白禪室一鐙青夜靜
花香細枝搖鳥夢醒蕭然塵世外倚榻坐聽經

李予望字帖瞻號怡村蔚州人康熙辛卯舉人有宮巖

詩集

詩話怡村家門鼎盛負才不遇居近邊塞而詩多和
雅之音五古七絕尤見風韻張匠門題其集云昔聞
幽并區慷慨歌絕好至今嗣此音落日攄奇抱青山
萬仞關孤雁墮沙草殘碑感廢興大醉仰穹昊平生
懷此都誦詩轉傾倒風流似江南清波漾蘋藻吳聲
悞以悠側聽思如擣低頭元裕之恨不相從早可稱
畿北一作

秋晚道中

馬足經秋踏雁沙，酒旗高處蔭黃花。
孤村古渡行人遠，老木寒煙落日斜。
失意風塵欺客袂，窮途詩句負年華。
關河自昔增惆悵，回首西風噪暮鴉。

步月憶友人

乘月步虛階，宿醒猶未醒。
清光照幽懷，皎色爭罔罔。
偶爾遠俗緣，時復得佳境。
更憶會心人，踏亂梅花影。

秋後從北澗遙望南山

淺淺溪流疊疊沙，頽垣斷岸著人家。
分明身入營邱畫，四壁寒山度亂鴉。

芒履經秋不暫閒，溪南遙望翠微間。
晚峯偏自宜斜日，青紫橫分一面山。

慕仙

雙丸跳晝夜四序判春秋屈指百年內寄跡同蜉蝣胡爲
攫世網役役多所謀白日凋朱顏衰老歸一邱形器委寒
灰蕪穢不可收傷哉醢雞人誰識梅生儔中山衛叔卿期
我於瀛洲雲車白羽駕蓬壺恣遨遊金膏爲我餐玉液爲
我饑願言出錦囊開笈十二樓息心入冥默毋爲害馬蹂
道深雖難幾精微庶可求脫屣謝時輩世事空悠悠

望臺山

臺峯艮東南翠嶽如藩屏當此一窗間日日煩引領山氣
肅清秋貺我佳絕境眾壑極遙秀煙嵐互斜整層雲蕩太
虛綠靄浮深靚奇玩彌昕夕澹然得淵永長謠招隱詩欲
訪丹砂井緬彼山阿人何必殊箕穎會當蠟屐杖策陟

幽嶺且復拭烏皮空翠落山影

中秋日憶大兄督運巴里坤

久出居延塞秋高絕域邊一輪仍漢月萬里入胡天彌覺
丹心苦應愁皓魄圓同懷當此夕相望益纏綿

北歸漫興

知命無爲更諱窮順時那得復求通病餘駿骨誠難市老
去蛾眉不易工犧象已看殊斷木琴材何事待焦桐此身
并付榮枯外拋擲梟盧一笑空

文章得失古難言被褐懷珠孰共論溟海風濤終偃息榆
枋毛羽自飛翻青春漠漠醒如醉積雨陰陰晝易昏十丈
塵中京輦路騎驢還欲傍誰門

靡迤羣山翠作屏繩牀紙閣草痕青夢中眞幻亡蕉鹿鏡

裏妍嬾失尹邢豪氣久疏屠狗業異書新得相牛經掩關
祇可通樵牧簪笏無從一扣扃

歸來何處不徜徉隱几長消半篆香深喜山阿無怨鶴卻
悲歧路有亡羊百年眞覺生爲寄三窟爲營醉作鄉高卧
北窗風暫至猶能一枕到羲皇

步雲路

登山如登天便作雲霄想決背入青漢顧步失塵埃時聞
谷鳥鳴何來人語響暢游濟勝情遐矚恣幽賞素心於焉
愜平生屐幾緇

虎風口

山陰無坦途捫蘿轉孤峭一峯俯眾壑豁衍極幽眇草木
亦森肅雄風鳴萬竅豈有負嶠形空懷履尾教機括應已

忘凌虛發長嘯

夕陽巖

澗水流年月奔曦換今古如何處淵日獨向巉巖貯晚煙
生陰壑暝色暗平楚應與幽人期先彼山月吐恨乏魯陽
戈巖前自延佇

白虎峯

山深非一狀雲煙互吐吞孤峯插霄漢宛若猛虎蹲不信
酷吏威化此冰雪魂鑿鑿看形鹽難爲腐儒飡

出南山口有感

車塵擾擾送驪歌廿載關山幾度過易水風高霜氣早蒨
門秋老雁聲多尙書舊隱尋荒谷盧尚書栢舊隱軍都山司戶遺墳
感逝波劉司戶黃望長安頻泣玉不堪歲月已蹉跎

河間道中有懷獻王

嬴氏亂天紀酷虐難具陳苦欲愚黔首詩書遭坑焚羣籍
付烈焰六藝已灰塵孤危念吾道一髮引千鈞漢祖起豐
沛馬上除暴秦未暇求遺書絳灌祇武人遷延及文景此
事遂因循雖除挾書律大義惜未伸卓哉河間王所好匪
世珍日華啟高館文采照河濱雅樂獻天子儒術被厥身
茫茫尋墜緒獨悲古籍湮千金購善本傳寫留其真因之
得書多在漢無等倫周官毛公詩響絕忽復聞春秋左氏
傳一一皆古文聚殘補其缺說記本先民煌煌前聖典呵
護信有神譬猶長夜暗杲日出大昕祖龍雖已戾於今輝
千春竭來厯舊邦遺躅尚未淪停驂訪耆老經完道亦振
陋彼淮南子八公徒紛紜篋中鴻寶書荒唐何足論

楊維元字周臣號雪園陝西甘泉人康熙辛卯舉人有
清白堂小草

春柳

金綫垂垂挂綠雲晴蒸瑞靄更氤氲一般桃李爭春色獨
爾風流最出羣

郭遠字來倩一字青來桂陽人康熙辛卯舉人

詩話青來性剛嗜義爲本縣請廣學額寬徭役湖南
北分闈呈出其手嘗忤縣令下獄吟嘯自若卒得白
舉於鄉已垂老不
數年客死涿州

孤舟

孤舟明月轉相親瘦影欺風強自珍自古悲秋惟作客況
今年少不如人飛鴻肅肅身將隱落葉蕭蕭夜向晨幾度
漁歌連曉角不堪旅思欲沾巾

月夜

步屨花間未欲眠草堂月上正新妍十分幽寂難爲夜一
味孤清自在圓入幕風微香冉冉簷牀光透影翩翩直須
斗酒酬今夕莫問貂裘值幾錢

王世琛字寶傳號艮甫長洲人康熙壬辰一甲一名進

士授修撰歷官少詹事有橘巢小橐

沈歸愚曰吾鄉王文恪公以名德著成宏開子姓以
能文世其家三百年來吳中言文獻者必首洞庭王
氏艮甫先生最後出一出而大魁天下領袖玉堂二
十載視學山左以家法化導青齊文風丕變先生少
負雋才所爲詞賦儼於古人而於詩尤工歐陽永叔
評梅聖俞詩謂清麗閑肆涵演深遠使得見於朝廷
宜作爲雅頌以歌詠功德薦之清廟而追商周魯頌
之作者先生庶幾無愧惜余入翰林晚弗克追隨禁
近相與鼓吹休明子思子曰昔吾有
先正其言明且清不禁穆然三歎云
題中興碑後有感魯公故事

白髮蕭蕭走賊營，丹心原不戀餘生。
誰將舊德投豺虎，翻道君王用老成。

過耒陽弔少陵墓

欲奠孤墳擷澗蔬，西風荒草徧寒墟。
行吟終傍靈均澤，痛哭空陳賈傅書。
三賦輝光東觀後，萬方兵革北征初。
故人太尉真知己，歌罷陳陶恨有餘。

英州道中寄大兄

江岸草萋萋，愁懸落日低。
天涯兩兄弟，客路各東西。
眠食知何似，音書莫嬾題。
遙憐端水上，惟聽子規啼。
十年慚負土，萬里客炎荒。
灑竹無枯淚，聽猿有寸腸。
故鄉秋水闊，歸路嶺雲黃。
何處牛眠好，愁心日又長。

題洞庭東西兩山圖寄贛州觀察兄五十韻

少小嬉游地今來入畫禪東西兩拳石上下一青天冉冉
分朝翠霏霏合暮煙晴光搖海澨寒影落鷗邊月上胥毋
頂霞橫縹緲巔盤根侵浪出疊嶂盪雲穿几席規吳市階
庭甃越川十洲疑在眼九點渺無垠一輶登山屐三更載
酒船幽尋隨處好清景逐時還嶽瀆經函祕荆巴地道連
春壇留藥竈夜宴駐鸞軒挂席吳娃去歌芝漢皓旋故宮
銷暑殿荒井蟄龍淵風起銀濤立嵐開玉鏡圓三江流似
帶羣島貼如鈿平遠圖倪叟嶽嶷拜米顛經冬雲樹暗不
夜露華然松亞高低剎雞鳴遠近阡結茅依洞府嵌石蒔
湖田曉暮聽鼙鼓陰晴驗薜錢籬疏張雉網沙暝曝魚筌
野徑皆亭榭村歌倚管絃招邀來近局歡洽競烹鮮生事
惟耕作閒時只醉眠滄桑幾更歷風俗獨淳全喬木清陰

遠先公遺澤絲嘉謨藏典冊真適闢林泉

真適
圖名

石剗尙書

篆

吳文
定

詩題待詔篇

文衡
山

煙巒唐子畫

唐六
如

蝌蚪祝生箋

山祝
枝

庭繞蘭芽茁吟成棣萼聯攜尊坐招隱

招隱宅
小園名

旁訪

友過來賢

來賢高士
東崗亭名

地占煙霞勝門無車馬闕直尋顏

巷樂高卧謝山堅

顏樂
齋名

緬想風流邈空懷堂構傳卅年駒

過隙中歲客游燕險阻驚如壓窮通轉若圍君方登粉署

余亦侍花飄薄祿悲違養佳城卜屢愆出門常負棘入仕

愧磨鉛巷擬烏衣舊池憐鳳羽孱孤踪仍落落去雁更翩

翩芳訊踰時至離愁兩地牽幾看形影隻應悔繼羈纏野

性湖山慣柴門煙月偏釣游追往跡吟賞憶隨肩宦海原

無際流光劇可憐歸期何歲月生世本神僊寄語南洲客

時披震澤編請觀圖畫裏雙岫故依然

沈樹本字厚餘號操堂晚號舫翁歸安人康熙壬辰一

甲二名進士授編修有竹溪詩略

詩話舫翁詩學玉局吳興竹枝詞儂家自有樊川
約判守春風十四年阮文達謂有詩人忠厚之意

磨盤山

回頭不見入山處此身已似盤中住百千旋折眼生花三
五迴環神失據纔思左往復右行正欲仰登先俯注坡平
幸獲尋丈寬徑仄只留分寸度鞭絲帽影蟻緣窗馬足車
輪蛇繞樹尙嫌蝸殼更盤結比似羊腸增恐怖道如縛轉
輓轡形人被綫牽傀儡具乍陰乍陽日向背在前在後風
來去山遠不踰二十里山高不越三千步從卯到酉歷未
窮自壯至老陟猶誤燕齊大賈有深愁并代健兒成卻願
人間不省行路難請過磨盤山上路

徐葆光字亮直吳江人康熙壬辰一甲三名進士授編

修有二友齋詩集奉使琉球詩

詩話康熙戊戌遣使封琉球亮直副檢討梅賾奉冊以往撰中山傳信錄述其國史事風土頗詳盡使館往還詩三卷於集外別行

自口外回至密雲道中車折軸遇雨

出山復入山顛頓不知幾瘦馬怯孱顏兩轂鬪石齒脫嶮就夷曠泥行鈍亦喜中軸忽摧折輪轉不踰咫勞薪不能言事敗悔方始解輓就牛車落日照行李駛雨截山來壞雲翻墨起橋阻斷虹邊路辨掣電裏風吹祇裊單沾溼行未已將經滄海身平地已如此

磻田

山田不畝平高下復縱橫人慣緣厓種牛知避石耕科秧

分嶺色疊溜學灘聲農事春前足田蛙正月鳴

種榕敷命堂前左右各二株示通貢諸大夫

使館邀綸世一開聖皇冊命已三來天無稽澤隨時降樹
有餘陰爲手栽門台海隅迎日月根蟠龍爪壓風雷諸卿
好與勤封殖若木光中拱上台

上灘行

祇命走閩服崎嶇敢求安紙船託微命上灘復下灘上灘
逆水怒求進尺寸難片石扼我嶮日費千篙攢下灘得水
利雙楫如輕翰穿鍼與走馬一瀉百里寬順流雖云樂觸
激無堅完難師頭易白關捷摧心肝上水旣失利小心事
驚湍救墜愁脫手引汲危上幹釜懸船挂壁溜急魚升竿
步步自牽挽力疲神轉聞於此互乘除得失如循環上灘

與下灘請君擇其間

胡煦字蒼曉號紫弦光山人康熙壬辰進士改庶吉士

授檢討官至禮部侍郎諡文良有葆樸堂詩集

詩話文良治易爲專家入詞林年已五十八景陵召講易問答數千言獎爲苦心讀書人卽命直南齊

掘置卿貳卒年八十二著述入四庫易名得上證儒生稽古之榮逾於祖生

洹河柳枝詞

衰柳煙消舊日臺尙留青眼向人開
晉陽萬騎憑陵日應借春陰繫馬來

抵家後口占

五十登途別舊鄰廣文寒暑涉通津
歸來七十還加七多見人間五輩人

日日親知少送迎不堪回首問平生
兒童老大髭鬚白強

半登堂說小名

王圖炳字麟照號澄川江南華亭人康熙壬辰進士改庶吉士授編修歷官禮部侍郎降侍讀加詹事銜有樓香書屋集

三高祠

檣烏語天風吹過松陵路松陵何所見落霞與孤鶩湖峯七十二鬢鬢出煙霧此地可浮家便欲牽船住昔賢非無謂先我辦釣具一感菰鱸秋再感杞菊賦步兵困冷曹州辟失歡趣歸去固其宜邱壑履我素煌煌范大夫定霸輒自許時非季鷹時遇異魯望遇如何百戰雄翻作五湖慕英雄蹤迹奇處女幻脫兔至今懷高義層霄不可遡張陸幸成名譬彼蠅驥附我來拜荒祠日落垂虹渡不獨薦溪

蘋思把黃金鑄

平原村

年少驚傳入洛名，雲津龍躍是平生。
八王兵甲無臣主，兩晉文章有弟兄。
晚節不堪愁鶴唳，舊交聞已賦尊羹。
春蒲細柳平原路，長使行人淚滿纓。

顧林亭

平林落日野王臺，太息斯人一草萊。
白馬青袍愁事去，綠蓑皂帽好歸來。
虞卿窮老書千卷，陶令高閒酒百杯。
回首風塵淪落客，江南詞賦子山哀。

徐杞字集功，號靜谷。錢塘人。康熙壬辰進士，改庶吉士，授編修。歷官宗人府府丞。

汪孝子詩

習隱辭塵俗端居葆性真心惟甘淡泊質更抱清淳盛德
孚行路遺風表搢紳慈幃期不老子舍訖終身寢膳朝昏
切扶持左右頻疾無煩上藥誠可格明神寸草情逾苦三
春景欲淪瞻容餘涕淚營葬劇艱辛不間生存日甯忘永
感辰雙鳩廬上乳縞兔隴邊馴自昔傳靈異於君孰比倫
一朝成大暮千載失完人幸際明良會欣看綸綽新芳聲
長不沒圖篆勒貞珉

程夢星字伍喬一字午橋號泚江江都人康熙壬辰進
士改庶吉士授編修有今有堂集

詩話午橋入詞林後歸築潯南別業遂不出又有篠
園自題聯曰夕陽雙寺外春水五塘西主竹西壇站
名流多聯綺紵注李義山詩行世而
所作瀏亮自然殊與義山不類也

老人峯歌

山煙作霧朝濛濛模糊煙外疑遠峯風開日出始破笑一
峯背俯兼頭童何年南極下霄漢無事僵立空山中諸峯
兒孫並臚列形體雖具難相同平生儕輩恐無幾匡廬五
老齊高風世人少壯幾時好等閒倏作雞皮翁何如此峯
既老常不老前古後今無始終浮邱容成每來往俯視塵
世擾擾如雞蟲

雲棲

靈山結想十年前一路穿雲許問禪人綠鬚眉全是竹晴
喧風雨總因泉地高偏覺江聲近峯遠猶將梵唄傳吟盡
夕陽歸較晚清池應愛遠公蓮

南坡

杖策過危橋拾級上空翠曲塍急春流前林出高寺遙見

耦耕人攜鋤話農事

飯松庵

山客了無營提筐拾松子食之潤毛髮清芬味如水願與
素心友共此煙霞髓

紅藥欄

不見廣陵花一別歲云五豐臺擅奇豔所惜泥塵土歸吟
紅藥詞移種及春雨

秦休字又休號匪義邵陽人康熙壬辰進士改庶吉士
授編修

古田夜泊

溪頭黃蘗樹颯颯海風吹日落歸心定秋深病葉知蟲聲
無斷續客夢有驚疑雨槩榕城路看山未展眉

鄭之僑字東里仁懷人康熙壬辰進士改庶吉士授編修

題壯義勒

壯義勒者彙集明袁鑒死奢氏之難題敘褒卹諸文及其子蕙芳雪讐紀事

竹瓦天昏鼓聲死銜鬚噴賊賊魄禿生不食爾鬼食爾嗚
呼明威真壯士郎君縞衣拔刀起大呼殺賊髮植指先斬
蟻祖後及蟻何物蠻種乃生此一骨鞭爾一萬箠歸告其
父醉賊髓去掃紅土變赤水嗚呼僉事真孝子我觀壯義
勒掩卷三歎息當年淪播失復得論功大半袁氏力豈獨
夷鼎照鄉國況聞入道平陽時明威伯子勦已奇水牛塘
邊大酣戰至今名著學語兒忠孝之氣鍾一氏此勒與天
同不毀嗚呼國家多得袁氏父若子安有四海金甌破張
李

杜詔字紫綸號雲川又號蓉湖詞隱學者稱半樓先生

無錫人康熙壬辰進士改庶吉士有雲川閣集

沈歸愚曰雲川受知聖祖以養親歸不復出中歲

嘗選唐詩叩彈集行世皆中晚名作故平生得力亦

在大歷以後云

詩話康熙四十六年命侍讀學士沈辰垣等編輯歷

代詩餘一百二十卷五十四年復命詹事王奕清等

輯詞譜四十卷曲譜十四卷右文之盛旁及聲律囊

括洪纖不遺一技雲川以監生迎盤進詞被賞在館

最久王辰會試榜發奉旨搜閱遺卷特賜一體殿試

改庶常紀恩詩云羣玉書倉浩煙海愧將詞句續花

間自注臣始終以詞受知兩奉校詞之命又取所輯

中晚唐詩命武英殿監造繕寫進覽同輯唐詩者杜

肇余尙書子庭珠也

隋隄曲

隋隄一帶官河口不種桑麻種楊柳錦帆帝子數巡游厭
住東京樂奔走將兵西域再征遼呼韓稽顙諸蕃朝江都

宮監伺顏色翡翠玻璃忒雕飾水晶殿揭珠簾開香風吹
送飛仙來凭肩笑語能幾同夢游恍惚吳公臺吳公臺下
雷塘路野土茫茫亂煙樹傷心爲弔玉鉤斜柳色黃昏不
知處

虎邱同侯槃辰華子山訪山陰戴隱君南枝

共理登山屐兼停訪戴船誅茅容大隱宿草泣高賢

南枝
賁字

葬徐侯齋往事空禾黍傷心只杜鵑塵襟聊一洗清挹第三泉

周處讀書臺

臺廢尙遺址荒荒宿草中在朝能獨立致命見孤忠始信
讀書效因高力戰功斬蛟與射虎未足號英雄

雨泊吳閶送春同顧梁汾先生作

吳宮花老淚胭脂點點殘紅墮晚枝自是東風無著處本

來西子有歸時錦帆冷落青簾舫玉管闌珊白苧詞雙槳
綠波留不住半塘煙雨柳如絲

次泰和韻送同年于元士入都因簡劉喻旃楊若游

諸同館

春明分手兩經春吳舫忻同夜語親敲枕卻憐聽雨細入
山還喜試泉新飽嘗世味初歸客寒到征衣又送人爲語
玉皇香案吏秋風且莫憶鱸蓴

三月三日自鑾江晚次邗江有懷程午橋同年

久厭驅馳客路遙征衫脫去又吳舫茱萸灣見初三月楊
柳風移廿四橋爲憶篠園人淡蕩可宜花雨夢飄蕭蓬門
好共關春住莫放春心悵寂寥

胡安字靜庵襄城人康熙癸巳進士改庶吉士有獨翁

詩集

秋蟲

蕭條寒夜裏唧唧草根聲咽露悲相弔臨風苦自鳴遠人腸欲斷騷客氣難平搖落無窮意蒼茫一夕生

林佶字吉人又號鹿原侯官人康熙壬辰進士官中書舍人有樸學齋詩

詩話吉人與兄同人教諭侗皆少負才名有二難之目同人嘗游關中搜羅金石甚富著有昭陵石蹟考來齋金石考吉人壯歲登朝及與阮亭愚山諸老游工鍾王小楷漁洋精華錄午亭堯峯詩文集皆其手寫尤爲藝林所珍

甘泉宮瓦歌

甘泉漢宮遺古瓦何年棄擲荒隴下泥沙埋沒風雨剝誰人物色求諸野阿兄游宦入西秦嗜奇好古搜沈淪西京

文字傳絕少何意長生四字完形神周圍一尺有二寸水
情翡翠光鮮新非篆非隸含古意不凋不琢歸元淳歐陽
集古見未到劉攽博雅誰探真二千餘年復寶重轉憶飛
廉太乙俱成塵當塗銅雀非儕偶歷十四朝真可久寶器
逾晦逾光明肯讓漳河片瓦傳不朽

游武夷登一覽亭

吾聞武夷山乃是昇真元化之洞天中間溪流有九曲三
十六峯峭折相排聯我家去山七百里迢然神往已十年
雖未扶藜臨澗谷早有清夢來騰騫今冬適經雙溪口舟
子西指思迴船興高踴躍決探勝四日逕到仙宮前凌晨
登筏溯霜瀨山容面面堪沿緣幔亭巍峩聳雲際玉女秀
出清而妍虹橋千載駕陡削接筍一綫梯鉤連嫣然花竹

藏別塢小九曲內宜安禪隱屏精舍昔講學宵旦奧處羅
羣賢雍雍絃誦倡權曲會心微妙超言詮盤游六曲望不
極有亭天半憑空懸虛無縹緲徑欲斷猿鳥絕跡惟雲煙
捨舟輕身陟危磴聽徹水樂瀉濺濺仙船天路落不落誰
弄狡獪疑彭蠡險艱厯盡到奇絕天游古觀山之顛亭稱
一覽小閭越抉眚遠睇無涯邊此時不知此身在何處便
思脫遺人世同飛仙丹山碧水如此勝恨不早拍洪崖肩
會當買山傍雲壑盡載羣籍來摩編山靈愛山亦愛我定
應招我棄官賦就歸來篇

陳惠榮字延彥號密山安州人康熙壬辰進士歷官安
徽布政使有葵園集

詩話密山家世忠孝與方望溪尹元孚最善研窮性
理沈服膺陽明詩雖非其所長而時露性情語紀行

諸作亦涉
筆成趣

清江

清江天上來縹緲歷雲漢雲根養深淵毛髮明可鑒發源
施州衛千里橫匹練或爲石所激吼雷勢奔電澗底纖鱗
游表裏皆洞見當其清淺時手掬足可踐滙作無底潭空
明光一片方春雷雨動天矯蛟龍現宜都入川江無復此
顏面渾灝成其大豈云不善變願助東海深舊山何必戀

楊花

一天雪片亂春晴風裏楊花自在行萍葉縱橫成後劫麴
塵恍惚悟前生黏簾墜溷知何處流水行雲共此情希逸
朝衣壽陽額也教點點著人輕

卸甲溝

山形如醉翁尙僕欲顛仆雲林意蒙密水石氣局蹙嚴霜
飛不到青翠豁人目碩果綴餘柑小紅亞天竹澗底數枝
梅橫斜過石屋陳藥參差開含春媚幽獨到此坐忘疲欲
往意還復乃知草木心舒榮在巖谷我欲結茅庵餐霞友
麋鹿

飛魚灘

山靈厭寂寞推石堆山坳河伯怒驅之奮作風雷號水頭
落雲中勢與帆檣高舵工挾長技一葉隨驚濤撇捩轉石
罅生死爭秋毫瞬息數百里東逝不可招我舟逆流上飛
泉灑林梢僕夫引竹纜舟子刺松篙進尺還退寸目瞪心
搖搖勢平流忽散巨艦輕如毛暝色赴林壑停泊傍漁舫
吹火煮夜粥共慰推挽勞重唇白甲魚出網鮮可庖掩篷

讀我書斟酌樽中醪前灘名虎嘯西上更召堯且復永今夕何暇問明朝

棄婦行爲友人作

桃花何灼灼爛漫迎風開春歸紅已歇鵲鳩莫相催憶昔蓮門同食力蕭蕭絡緯霜中織佐君夜讀買蘭膏典盡釵鈿無怨色君今已貴妾已老紅顏那比新人好避賢不敢妒蛾眉何須定刈當門草野徑雲低樹色微樹頭鳩婦已分飛也知性拙應遭逐風雨飄搖何處歸

焦山瘞鶴銘淪入江汜七百年矣家滄洲公捐貲募力士挽出之得五石凡七十二字復還舊觀建亭山院因作長歌以紀其事

人歸地底鶴冲天穹碑鳳翥焦山巔上皇山樵弄神筆銀

鉤鐵畫常蜿蜒果然奇物天亦忌豐隆肆虐山無權雄雷
雌電聲震震珠飛玉碎沈深淵珊瑚明月耀水底老魚撥
刺蛟垂涎歐公蘇公稱好古臨江酌酒心留連嚴冬水落
斷碣出苔衣荇帶相糾纏眠沙藉草搗數字十指欲裂身
拘攣晨星落落見者少賈文僞本爭流傳蘇州太守天下
士孤操直比松筠堅收拾殘碑奠山麓鳩工首倡寅僚先
巨靈開山龍徙水山魃水怪紛相牽移來位置維摩院覆
以茅亭護以欄鼎沈泗水劒出獄神物隱見豈偶然我聞
當年瘞鶴日依稀猶紀壬辰年迄今一千三百載質雖金
石何能全罡風劫火幾燔燒洪波巨浪長洞涸炳然七十
有餘字直與天地同綿綿龜文剝裂龍蛇隱鋒鉞禿盡精
神完周宣紀獵有石鼓年年秋草埋寒煙一從認出蝌蚪

字升諸清廟陳宮懸千秋會應有眞賞璧沈終出珠終還
人物果能成不朽何論滄海爲桑田

枝江雜詠

山勢紆迴江水彎孤城形勝占江山鯨濤驅石傾三峽鳥
道盤雲入八蠻百里金湯憑地險兩朝兵燹憶時艱幸逢
海內昇平日桑土綢繆莫等閒

三畝荒園淨掃鋤蕭然官舍似幽居峯頭聳翠延朝旭浦
口鳴榔響夜漁檢厯細尋移竹日呼童閒寫種蒔書臨風
把酒舒長嘯如此溪山不負余

李慎修字思永號雪山章邱人康熙壬辰進士厯官湖

南衡永道有雪山詩草

詩話雪山初除內閣中書遷刑部主事卽宿於官廨
善決疑獄稱廉明罷守杭州復入爲刑部郎中授御

史數上封事嘗入對裕陵諭曰是何渺小丈夫乃
能直言如此雪山對臣貌陋而心善裕陵爲大笑
又嘗勸裕陵勿多爲詩裕陵有絕句在御製初
集中詩才縱逸最好步韻雅雨嘗規之集佚不傳雅
雨輯山左詩鈔僅得
初入臺紀恩一律

改授御史

風紀清班世所榮君恩晚歲許題名老成豈敢當天獎孤
直由來自性生晨漏勉隨鴛鴦序朝陽虛說鳳凰鳴祗今
袞職無遺闕愚陋何緣補聖明

謝濟世字石霖號梅莊全州人康熙壬辰進士改庶吉

士授檢討歷官湖南鹽驛道有梅莊遺集

詩話石霖作學庸註疏順承郡王錫保劾其誹謗程
朱世宗不加詰問官御史以劾田文鏡遣成阿爾
泰乾隆元年召還復官復進呈所著疏謂尊朱之令
始於明洪武十一年甲子鄉試明祖與文公同鄉同
姓定爲此令名雖表章聖學實則推崇本朝尋以母
老乞外在此軍臺時所夕讀書有軍中學易圖作詩明

志皆真性
所流露

丙午十二月初七日下午獄次日得旨發軍前効力

贖罪感恩述事次東坡獄中寄子由韻寄從弟佩

蒼實夫

嚴霜初隕陡回春留得衝鋒冒鎬身綸綍乍傳渾似夢親
朋相慶更爲人敢愁弓劍趨戎幕已免銀鐙禮獄神早晚
扶歸君莫慟嫠嫠勃窣亦前因

尙方借劍心何壯牘背書辭氣漸低已分黃泉埋碧血忽
聞丹闕放金雞花看上苑期吾弟護樹高堂仗老妻且脫
南冠北庭去大宛東畔賀蘭西

西征別兒子夢連

九門何皇皇家度歲忙我亦侵星起辭家赴沙場大兒

甫八齡失母依我旁見我荷戈戟長跪牽我裳兒願隨爺
去辛苦共爺嘗拭淚摩兒頂我兒何不量迢迢征戍地道
里六千強地遠天亦別夏月飛秋霜並死有何益不如返
故鄉故鄉先塋在種柏已成行汝歸山有主庶免樵斤戕
故鄉祖母在聞信知斷腸見汝如見我稍慰門閭望故鄉
遺經在牙籤貯青箱趨庭誰課汝汝自延書香故鄉先業
在草宅成荒莊學書恐誤汝汝好事農桑上以供正賦下
以奉高堂酒釀三吳白雞畜九江黃聖主哲且仁暫戍非
久長東歸儻有信爲我潔壺觴

己酉十一月廿七日復蒙聖恩免死釋放卻寄家書
清湘紫塞路茫茫兩地不知誰在亡紫塞長征人又在爲
傳好語到清湘

乙卯十月十七日蒙恩賜環口號

已分埋沙磧甯知刷羽翰邱山臣罪重天地主恩寬蹀躞
新驄馬魏我舊鐵冠喜深悲轉劇望闕涕洟瀾

王箴輿字敬倚號孟亭寶應人康熙壬辰進士歷官衛
輝知府有孟亭編年詩

詩話孟亭典郡耽詩坐下考鐫級歸人爲
之惜而孟亭坦然詩有道州魯山遺意

得歸結廬先寄舍弟季亭

鸞凰遺好音眾鳥鳴且悅海鵬負青冥塞鴻踏春日延頸
遠尉羅疾翮脫一發露行早然犀夜寐屢驚蝎勞薪吹燼
灰膏雨濯餘疥勒恩返舊山焚香拜明佛我本蓬蒿人初
心悔未決念親似秋草應添頭上雪有弟如晨星同繫天
邊月

天南海水東結廬白田北疏鑿泉平沼藝植花連陌綠塍
閣始構逐徑戶已闢瞻望若堂封隱念松楸側祿養就升
斗黽勉事行役袖雲嵩洛間截竹淇源曲牽羈竟一紀婆
娑大梁客豈云隱已招聊取肩可息豈如彭澤田亦有子
雲宅民社任難仔張弛事多忒成貸蒙天慈冥報垂先澤
餘生幸在茲撫膺忤疇昔同父曰余長墳簾季與叔萱草
樹之背荆華粲在目不見已三年孟也鬢初白叱馭敢希
尊學易冀景續于今誓墓人苦心季應識

奉酬魯庶常啟人

前夢耶俞可若何颶風吹起射工多牴牾終爲青苗社談
笑猶存赤壁歌堪許同心論寂寞會指善眼度婆娑袖鞭
一揖先歸去翻有離腸繫汴河

立秋後一日雨

乍可秋情隔夜生
風初拂拂雨初清
似將幾點芭蕉上
繪出虛堂一種聲

夜課

至老不相放牀頭
爛卷書呼童乞火
後共婦翦衣初
夜氣通靈府清聲
入碧虛陶家懶惰
子責讓復何如

曉渡黃河

是日出河口超然
益耳目久不見東
流寒光奪晨旭其
聲爛不收頓洞若
犄角我心際無外
幻想九丁鑿自天
而下之中凡幾萬
曲一氣所簸揚何
須辨清濁古來大
聖人疏排絕梱束
孔德斯爲容控搏
乃相觸海上有神
仙周天無可欲無
欲斯無爲無爲化
自足

青州道中見諸山

遙見城南山曠曠日方陟山氣噴山煙山煙羃山色譬如
好畫手間有無意墨有意無意間能著空中力昭融散若
整翫蓄出猶入盎然已在前覽之不可卽若叩諸山名山
名無一識

王瀛字文洲號愚谷又號東村臨淄人康熙壬辰進士
官鄆城知縣有東海集東萊草石落山房草

寄懷甯海學博宿復公

舊雨東牟跡未疏往來冰署五年餘佯狂阮籍頻中聖寂
寞揚雄喜著書兩地相思雲散後半窗明月夢回初揮毫
敏捷應如昨莫惜瑤華數寄予

王鈞字爾陶高陽人康熙壬辰進士官青田知縣有松

露堂稟

碓聲

何事驚殘夢寒碓處處悲孤村霜落後深院月明時響細
疑無力聲停若有思可憐淒楚調不遣玉關知

三間房

萬仞纔過嶺三間又見村林巒藏板屋雞犬散柴門山勢
迎人立溪聲戰石喧僕夫嗟況瘁日暮且停轡

春柳

含煙搖曳水西頭青眼纔開慣惹愁別恨絲絲消不得斷
腸人倚夕陽樓

朱倫瀚字涵齋一字亦軒號一三漢軍旗人康熙壬辰
武進士由侍衛改郎中擢湖北驛鹽道復改御史歷

官正黃旗漢軍副都統有閒青堂詩集

詩話涵齋雖起家右秩工畫能詩文供奉內廷北於文學之臣爲高且閭錫傳指頤畫法景陵嘗書所畫扇賜高麗國王王復請於朝具厚幣請畫朝野傳爲美談

病起卽事

料峭餘寒薄曉暎東風連日未開門漸添篆霧芸香細小
沸鑪瀉藥火溫破夢鄰雞交午唱絮懷歸雁過雲喧如何
二豎渾無賴頓使休文興莫論

駕幸誠親王山莊應制

彩仗凌晨出鸞旂拂曙開過山聞鼓吹隔水見樓臺花裏
傳天膳雲中度壽杯晚涼時雨霽歸路擁風雷

憶信

西風連日黯山光漸覺交秋氣候涼塞北身當風雨際城

南家在水雲鄉音書又是經旬隔魂夢新知入夜長遙憶
擣衣砧上月應憐邊客見如霜

桐柏山夜抵寒巖

日日看山看不足又尋幽勝下瓊臺肩輿破曉穿雲出拄
杖衝煙踏月來松火漫勞溪外照禪關卻喜夜深開老僧
不用相驚訝覓取寒山舊句回

九日登元明宮

捫蘿幾度到峯頭九日登臨續舊游意外仙緣詩盡幻眼
前風景畫難收白雲跨水分雙澗紅葉埋村露半樓歸去
玉簫新月下一聲吹澈海天秋

方吉人副帥扈從木蘭有懷卻寄

憶昔叨陪扈從時青山曾畫亦曾詩雲中帳殿煙爲幕雪

裏松林玉作枝圍合塵黃傳射虎山迴日黑看收旗遙知
走馬岡巒下笑我狂吟舊路歧

紛紛獵騎帶禽歸應識詩囊與眾違馬上吟懷隨嶂遠月
中筆陣逐鴻飛寒生紅葉霜千樹夢繞青鐙火一圍擬借
牀頭雲滿甕爲酬佳句款荆扉

戊寅上元後三日喜翼庭自天開赴京

雪裏征裘探早春衝寒匹馬入京塵當年識面非因貴到
老論心更樂貧閱世誰知松節操住山獨抱鶴精神拌將
華髮三千丈幾度相逢幾度新

中秋夜獨坐

見慣他鄉月甯知此夜長家書經半載客夢近三湘露氣
寒於水蟾光皎若霜山窗接黃鶴莫送笛聲涼

早發固關

路入雄關草木秋，幽州迢遞度并州。
三秦城郭仍天表，兩晉雲山到馬頭。
寒瀑遙隨殘月下，空林斜帶斷煙浮。
經年旅舍聞雞舞，絕塞崎嶇幾度游。

武昌秋興

黃鶴高樓聳碧空，晴川傑閣漢陽東。
雲吞夏口三秋雨，颿挂天門半夜風。
城郭夾江懸一鏡，山川分勢走長虹。
遙憐赤壁煙波外，落日寒沙照眼紅。

晚晴移詩匯卷五十八終